



## Universitätsbibliothek Paderborn

**Vita Beati P. Philippi Nerii Florentini. Congregationis  
Oratorii Fvndatoris**

**Gallonio, Antonio**

**Mogvntiæ, 1602**

Dæmonem à moribundo sacerdote fugat.

**urn:nbn:de:hbz:466:1-43172**

*Hac à B.  
Patre ac-  
cepimus.*

Non omittimus recensere quod Martius Alterius nobilis Rom. (qui Paulo III. Pont. relicto seculo, Christo, magno, fortioq; animo se adiuxerat) dicere solitus erat, ea latitia, cum in Philippi cubiculo esset, perfundi, ut id cubiculum iam non sibi cubiculum, sed Paradisus quædam terrestris esse videretur. Peruenerat is ad eum sanctitatis gradum, ut de rebus diuinis <sup>a</sup> ex nimia spiritus affluentia, Moysis instar, loqui vix posset. Ea erat præterea in pauperes pietate, ut stragula, quibus ad lectum in quo cubabat, vtebatur, ipsis tribueret.

Philippus insuper illud præter cætera erat affecutus, ut quos pectori admoueret, in Dei amorem inflammaret mirificè, eorumque animos ad virtutis desiderium impelleret.

*Dæmonem à moribundo sacerdote fugat.*  
**E**O ipso anno millesimo quingentesimo quinquagesimo octauo,

Persia-

Christi.  
1558

Pauli III. Pap.  
3

Ætatis  
43

121

Persianus Rosa Sacerdos, qui Phipo à confessionibus erat, ægrotabat grauissimè, cumq; ad ultimum periculi venisset, à diabolo nigerissimi canis specie vexari cœpit acer-  
rimè.

His in angustijs diuinum magna animi demissione implorabat auxilium, illud Psalmi frequenter inclamans: Iudica me Deus, & discerne causam meam: cumq; hunc in modum cum communi hoste decertaret, venit improuisò Philippus, quem vbi ille vidit, <sup>a</sup> clamare continuo cœpit, adiuua me sancte Philippe: est hic canis colore nigerimus, qui me lacerare nititur; succurre quæso, succurre quod potes, ne deuorer. Quibus verbis mot<sup>o</sup> B. Pater humili illico, astantibus primum ut pro ægro vel semel orationem Dominicam recitét iussis, sese prostrauit; quod cum faceret, ecce tibi ille derepentè magna voce dicere cœpit: canis recedit, fugit canis, en-

*Psal. 42.*

<sup>a</sup>  
*Id ab oculato teste acceptum.*

Vitæ lib. I.

H 5 in li.

in limine ostij stat: tum surgens ab oratione Philippus piacularis aquæ aspersione dæmonem ab eo etiam loco fugauit magno cū solatio morientis, qui lætus effectus nullum faciebat agendi gratias Deo, Beatoq; Patri modum: ea verò molestia, horribilique visu non modò in præfens, sed etiam in posterum liberatus, magna cum animi tranquillitate è vita migravit Kal. Aprilis.

*Prædictio.*

**E**odem anno post Christum natum millesimo quingentesimo quinquagesimo octauo, duo ex eius filiis spiritualibus Franciscus,<sup>a</sup> & Iohannes Baptista Saracenus Religioni S. Dominici se addicere decreuerant: id ubi Philippus rescivit, Iohannes Baptista (dixit) sacro induitus habitu eos in virtute processus efficiet, vt ad ultimum usq; diem inscepto genere vitæ cum laude persistat. Franciscus, quæ humana fra-

<sup>a</sup>  
*Id sacramentum firmavit, qui interfuit Aloysius Amis Gallus. Hoc ipsum alius annis B. Patris notissimum est.*

gilitas